



Broj predmeta: 13-001783/20
Broj akta: 01.1-1413EK-0071/21
Datum, 1.6.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18– prečišćeni tekst, 49/18, 08/19, 10/19 i 32/19), u skladu sa članom 25. i 32. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda broj: 13-001783/20 od 10.05.2021.godine, Izmjene zapisnika o pregledu i ocjeni ponuda broj: 13-001783/20 od 25.05.2021.godine, Prijedloga Komisije za javne nabavke broj: 13-001783/20, broj akta: 02-0395MR-0065/21 od 25.05.2021.godine, kao i Mišljenja Pravobranilaštva Brčko distrikta BiH broj: M-586/21 od 28.05.2021.godine, gradonačelnik Brčko distrikta BiH d o n o s i

ODLUKU O IZMJENI I DOPUNI ODLUKE O IZBORU
NAJPOVOLJNIJIH PONUĐAČA

BROJ: 13-001783/20, BROJ AKTA: 01.1-1413EK-0052/21 OD 10.05.2021.GODINE

Član 1.

U članu 1. Odluke o izboru najpovoljnijih ponuđača po provedenom otvorenom postupku za nabavku hrane i pića za potrebe odjeljenja i institucija Brčko distrikta BiH – 6 lotova, mijenja se naziv najpovoljnijeg ponuđača sa kojim će biti zaključen okvirni sporazum za Lot 6 i sada tekst glasi:

„Naziv najpovoljnijeg ponuđača za lot 6 je: „PRIMAPROM“ d.o.o. Banja Luka.

Lot 6 – Nabavka i isporuka napitaka za potrebe Odjeljenja za obrazovanje (Takmičenja i sl.) za 2021. i 2022. godinu

Vrijednost okvirnog sporazuma sa uračunatim PDV-om iznosi

30.000,00 KM.“

Obrazloženje

U provedenom otvorenom postupku za nabavku hrane i pića za potrebe odjeljenja i institucija Brčko distrikta BiH – 6 lotova, Komisija za javne nabavke je donijela Zapisnik o pregledu i ocjeni ponuda broj: 13-001783/20 od 10.05.2021.godine, te je dala preporuku za dodjelu okvirnog sporazuma za lotove 1, 4, 5 i 6, dok je za lotove 2 i 3 dostavljena preporuka o poništenju postupka javne nabavke. Na osnovu navedene preporuke donesena je Odluka o izboru najpovoljnijih ponuđača broj: 13-001783/20 od 10.05.2021.godine. Dana 11.05.2021. godine ugovorni organ je obavijestio sve ponuđače o donesenoj Odluci o izboru najpovoljnijih ponuđača broj akta 01.1-1413EK-0052/21 od 10.05.2021. godine u predmetnoj nabavci za lotove broj 1, 4, 5 i 6, obavještenjem broj akta 02-0395MR-0054/21 od 10.05.2021. godine. Dana 12.05.2021. godine izabrani ponuđač „Inter-com“ d.o.o. Zenica je obavijestio ugovorni organ, obavještenjem broj 12-05-2021-BM od 12.05.2021. godine, da odustaje od lota broj 6 zbog okolnosti koje su izazvane pandemijom Covid 19 te zbog procjene rizičnosti same isporuke u vrijeme pandemije. Na osnovu naprijed navedenog Komisija je sačinila Izmjenu zapisnika o pregledu i ocjeni ponuda i dala preporuku za donošenje Odluke o izmjeni i dopuni odluke o izboru najpovoljnijih ponuđača kako bi se okvirni sporazum dodijelio drugorangiranom ponuđaču na lotu 6, odnosno ponuđaču „Primaprom“ d.o.o. Banja Luka na iznos procijenjene vrijednosti sa uračunatim PDV-om, ukupno 30.000,00 KM, a u skladu sa članom 72. stav (3) tačka c) Zakona o javnim nabavkama BiH. Sastavni dio ove Odluke čini Zapisnik o pregledu i ocjeni ponuda, kao i Izmjena zapisnika o pregledu i ocjeni ponuda.

Član 2.

Ova odluka stupa na snagu danom donošenja.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVITI:

1. Pododjeljenju za javne nabavke,
2. Ponuđačima,
3. Odjeljenju za obrazovanje,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.



GRADONAČELNIK

Esed Kadrić